



K204.3

1

重刊元本資治通鑑後序

宋司馬遷資治通鑑一書爲史家絕作元天台胡身之音
注宏通博其義例詳見自序中數百年來學者奉為寶書
久矣洪惟我

聖朝右文稽古 四庫所儲蒐羅大備伏讀

聖祖仁皇帝御批通鑑綱目

高宗純皇帝御批通鑑輯覽

御製評鑑闡要諸書仰見

列聖筆削持衡昭垂衮鉞薄海人士固已敬譯而精研之恭
逢

皇上幾餘典學復勅脩明益以續范祖禹唐鑑之書而史學於是乎益昌竊謂史家編年之有綱目其書法褒貶猶決事之有讞斷而通鑑則案牘之全也得全牘而讞斷之精義益明讀通鑑而綱目之是非乃備固非資涉獵矜記誦以侈多聞而已身之元本傳世日稀前明以來傳刻不下十餘種而展轉刊雕舊觀滋失識者病諸壬申之春予承乏江寧藩使適獲元初舊刻卷首有王磐一序謹案

欽定天祿琳琅書目所謂元時官刻本也於是齏使阿公厚菴暨諸相知佐資鳩匠設局於孫伯淵觀察之家祠延文學顧君廣圻彭君兆蓀及族弟樞爲校勘翻雕之視元本無異

加精美焉間有致疑不敢臆改擬別爲考證以質來茲承學之士由此書以博徵千三百六十二年治忽之迹因益以仰窺

睿裁予奪之公識千古勸懲之旨其裨益於人心學術者甚大夫豈詞章訓詁之書所可同年而議豐確哉予既賴諸君子相助之雅而幸古籍之得傳故樂書其緣起如此若夫溫公當日作書之意與其持身行政之大蓋非淺嘗略涉守陳言故紙所得而喻者讀其書知其人是在學者自得之矣

嘉慶二十一年四月土旬鄱陽胡克家書

後

入

一

一

一

一

通鑑釋文辯誤卷第一

天台胡三省身之

通鑑一

周威烈王二十三年智伯求蔡皐狼之地於趙襄子

史炤釋文曰皐狼春秋蔡地後爲趙邑

海陵本費本同

余

按春秋之時晉楚爭盟晉不能越鄭而服蔡三卿分晉韓得成皐因以并鄭時蔡已爲楚所滅鄭之南境亦入于楚就使皐狼爲蔡地趙襄子安得而有之漢書地理志西河郡有皐狼縣又有藺縣漢之西河春秋以來皆爲晉土而古文藺字與蔡字

近或者蔡字其蘭字之訛歟

安王十三年齊田和會魏文侯楚人衛人于濁澤

史炤釋文曰濁水名按漢志濁水出齊郡廣縣媯

山

海陵本
費本同

余謂釋文誤矣史記書齊魏濁澤之會

徐廣註云長社有濁澤又酈道元水經註曰皇陂
水出胡城西北胡城潁陰縣之狐人亭也皇陂古
長社縣之濁澤也史炤縱不能遠考水經注亦不
能近考史記註乎八十四卷晉惠帝元寧元年濁
澤註誤與此同海陵本費氏本則又爲炤所誤也

顯王元年齊伐魏取觀津

史炤釋文曰齊伐魏惠王請獻觀以和解即此觀

津也

海陵本費本同

余按班志信都國有觀津縣是時屬

趙地去齊境甚遠又東郡有畔觀縣水經大河故
瀆東逕五鹿之野又東逕衛國故城南古斟觀也
徐廣亦曰觀今衛縣史記正義曰魏州觀城縣古
觀國國語註云觀國夏太康第五弟之所封也以
其地臨河津故亦曰觀津齊伐魏所取者也史炤
但據史記所書以明觀地而不詳言之後人不能
博考地理讀其釋文將遂以爲信都之觀津豈不

誤之乎

八年秦孝公令國中曰昔我穆公自岐雍之間修德
行武東平晉亂以河爲界

史炤釋文曰岐謂岐山雍州名謂東嶠西漢南商

北居庸四山之所擁翳也

費本同

余謂以岐爲岐山

是也以雍爲州名則非按班書地理志岐山在扶
風美陽縣西北雍縣亦屬扶風應劭註云四面積
高曰雍又按史記秦紀大戎殺周幽王秦襄公以
兵救周戰甚力有功平王避戎東徙洛邑賜襄公
以岐山以西之地傳至曾孫德公初居雍城徐廣

註云今縣在右扶風穆公德公子也東平晉亂其地至于河是則所謂岐雍之間乃岐山雍縣之間非指雍州州名爲言也李巡註爾雅釋州名雍州固有壅蔽之義然以四履所至言之東嶠可言也其西則越隴抵于河非漢也南商可言也其北則甘泉九峻諸山居庸關乃在幽州懸隔河山何啻千餘里安能爲雍州之擁翳哉其說雍州之義亦非也二百六十七卷梁太祖開平二年釋雍州其誤同

十六年魏伐趙齊使田忌救之田忌欲引兵之趙孫

子曰夫解雜亂紛糾者不控拳救鬪者不搏撻批亢
擣虛形格勢禁自爲解耳今梁趙相攻輕兵銳卒必
竭於外子不若引兵疾走魏都據其街路衝其方虛
海陵本釋文曰虛音墟余謂虛當讀如字衝其方
虛即上文所謂擣虛也史記索隱義亦如此若讀
爲墟全無意義史炤曰擣築也言乘其虛則自解
也義與余同海陵本託公休之名實蹈襲史炤本
至其自立異義者識見又下於史炤

二十八年龐涓自知智窮兵敗乃自剄

史炤釋文曰剄吉定切以刀自割頸

海陵本
費本同余按

剡字音古鼎翻別無他音剡從去聲非也

三十一年趙良語商君持矛而操闌戟者旁車而趨

史剡釋文曰闌吐臘切

海陵本費本同

余按薛綜註曰取

四戟函車邊此蓋令力士旁車而趨有急則操闌

戟以禦之也後漢書輿服志有闌戟車晉志曰闌

戟車長戟邪偃在後唐韻戟名曰闌音所及翻史

剡音非

三十六年蘇秦說趙肅侯合天下將相會于洹水之

上

史剡釋文曰在鄴說文水在齊魯間

海陵本費本同

余按

徐廣註曰洹水出汲郡林慮縣水經曰洹水出上黨泝氏縣東南出山逕鄴縣南又東過外黃縣北入于白溝蘇秦所謂會于洹上者正指在鄴之洹水非指齊魯間之洹水二百五十七卷唐僖宗文德元年二百六十卷昭宗乾元三年洹水註誤與此同

通鑑三

赧王三年張儀說趙王曰秦有敝甲凋兵軍於澠池史炤釋文曰澠池趙邑余按趙與韓魏接境韓有野王上黨魏有河東河內而澠池則秦地也漢地

理志澠池縣屬弘農郡趙安能越韓魏而有弘農之澠池邪炤說非是海陵本誤同

九年趙王使王賁之楚

海陵本釋文曰賁音奔翦之子離之父余按翦之子離之父之王賁乃秦將也此王賁乃趙人海陵本誤矣

通鑑四

二十年主父探雀鷖而食之

史炤釋文曰鷖克角切鳥子欲出者海陵本費本同余按

爾雅曰生哺鷖生喙雛釋云辯鳥子之異名也鳥

通鑑辨疑 五
子生而須母哺食者爲鷇謂燕雀之屬也生而能
自啄者爲雛謂雞雉之屬也鷇音居候翻炤音非
三十一年淖齒執湣王而數之

史炤釋文曰數所矩切一二而責之也余按漢書
音義數責之數音所具翻炤自漢紀以後皆從音
義至魏晉紀音所矩切者又雜出乎其間

三十二年齊湣王子濩章變名姓爲莒太史敫家傭
海陵本釋文曰敫吉了切史記作嫪余按徐廣註
敫音躍一音皎海陵本從徐廣下音也漢書王子
侯表有敫字顏師古註云敫古穆字今從此音

三十五年秦白起敗趙軍取代光狼城

史炤釋文曰光狼城名本中山地趙武靈王取之

其地在代

海陵本同

余按史以代光狼城聯而書之以

爲其地在代可也而云本中山地中山與代舊爲
兩國代在常山夏屋山之北中山在常山之南旣
云在代不當云本中山地

四十二年秦王將使武安君與韓魏伐楚黃歇上書
曰先王不忘三世接地於齊以絕從親之要

海陵本釋文曰要於笑切約也余按史記索隱要
讀曰腰以言山東合從韓魏是其腰蓋秦得韓魏

之地然後能東接於齊楚不可得而北燕趙不可得而南是絕從親之要也索隱之說意義爲長今王使盛橋守事於韓

史炤釋文曰橋音矯

海陵本同

余按史記諸家註並無

音當讀如字

通鑑五

五十五年趙王以趙括代廉頗將括母上書言括不可使王曰母置之吾已決矣

史炤釋文提起母置二字註其下曰句斷母者止之也使置其事而無復言也余按炤謂母者止之